

撫梁谷稿一卷目錄

谷段知縣陞補睢州

谷吳同知調贊軍務

谷張國柱陞道中軍

谷考城縣請鑄印信

谷田憲長加銜久任

谷軍器不能改造

谷鹿邑縣軍器赦免

谷解黔銀開銷鑄息



容請樣錢兼報鑄規

容瞿知府陞補監司

容陳憲副加銜久任

容動舊餉補解京糧

容王旗鼓加銜久任

容龔塘官候補營官

容揚遊擊加銜久任

容站銀不及分數官

容報太倉難徵本色

容河北府屬徵本色

樞梁峇稿一卷

峇段知縣陞補睢州

魏博郭 著

爲議補衝繁印官以安地方事據河南布政使
司呈蒙兩院會行憲牌照得兩河地方去歲失
收今歲荒歉饑民告賑者殆無虛日方凜凜有
盜賊竊發之虞嚴行保甲團練鄉兵三令五申
時時戒備靡敢少懈乃零星警報不一而足頃
靈寶又以礦賊作亂橫行搶劫見告矣遠近喧

傳人心洶洶尤爲可慮然無事則未雨綢繆臨
急則多方防禦皆有司事也今查河南通省有
司之缺有不可久懸者如睢州俗悍民刁素稱
難治且連年缺官整頓無人日就廢弛而新任
知州到僅月餘復以艱去矣專待部推未聞啓
事且官是州者自非盤錯之器必有叢脞之憂
勢使然也當此荒盜交迫之時使猶爲從容姑
待之計倉卒有變貽患匪輕蓋不可不深思而
預防之也相應查議爲此牌仰本司官吏照牌

事理會同按察司速於所屬知縣中查有俸深
薦多者一員擬陞睢州知州廉訪真確擬議停
當通詳兩院以憑會咨施行等因到司蒙此已
經移會按察司并咨分守四道查議去後隨准
分守河北河南汝南道各咨並無堪陞官員又
准分守大梁道咨稱行據開封府申稱該本府
知府瞿士達查看得屬官中欲擬陞調之令隸
于開封者除俸淺未可議陞外止有中牟縣知
縣段燿然服官三年零四月矣俸旣深而兩院

薦揚亦非一次况老成練達錙刃錚錚擬陞睢
州知州則風裁可以戢暴才敏可以理煩實無
忝也等情又據歸德府申稱府屬並無應陞官
員等情具申到道據此看得地方多故盜警時
聞而郡邑印官非卓有識力者無以鎮定撫綏
也查得中牟縣知縣段燿然恬潔真品卓犖長
才嚴明弊絕風清擘畫民安吏習矧本官歷俸
已逾三載薦舉業列數次議調睢州不但地方
得以經濟亦且朝聞

命而夕受事所裨益于曠廢之區非淺鮮矣等因備
咨到司又准按察司牒稱准分巡河北河南汝
南睢陳各道關稱並無堪陞官員又准分巡大
梁道關稱看得地方多故盜警時聞而郡邑印
官非卓有識力者無以鎮定撫綏也查得中牟
縣知縣段燿然才情蘊藉無倫操履清貞不染
雙鳧著望五馬堪推且本官歷任已逾三載薦
剡業經屢次議陞睢州不惟地方賴其經濟亦
且朝聞

命而夕受事所裨益于曠廢之區匪淺矣等因備關
到司該本司看得睢之難治久矣自士民而言
則以爲莫爲鋤強莫爲植弱無不苦其官者自
守睢者而言則以爲急之不可緩之不可無不
苦此睢者睢之難治達于上下今除一新吏而
來纔離簿書便當繁劇其未必卽效明矣兩院
議就近陞補一員誠爲長慮然非明敏強幹勵
精堅守者不能勝其任而愉快歷行各道只大
梁道舉中牟知縣段燿然資俸俱合足當此選

所宜亟議陞補以試其輕熟者也等因備牒到
司該本司看得睢之難治所從來矣官此地者
非狃于因循則嫌于更張非以脂膏覆餗則以
躁急僨轅甚哉睢之貴得其人也若中牟知縣
段燿然者存心不媿衾影遇事卓有擔當巨細
咸宜才誠兩合旣奏鳴琴之聲華必有褰帷之
治術移以治睢所謂駕輕就熟可知其遊刃有
餘地矣况計日受事而無遠迎久待之煩乎旣
經會議前來宜亟爲陞補以安地方者也等因

具呈到職案照先爲前事已經牌行該司查議去後今據前因該職會同巡按河南監察御史楊 看得睢之爲州介居梁宋之間地方寥曠軍民雜處盜賊出沒無常奸宄隱伏莫測先年巨寇多出此中素非寧靜之區也且其風俗囂凌最難調劑政務繁冗未易擘畫守此者往往視爲畏途苟非精明果毅之品必多掣肘墮墜之虞頃者知州崔元登任甫月餘卽以艱去印官懸缺旣久政事停廢已極然靜候

部推則遠近未卜旣難如期赴任而才品各異又恐人地未孚無如量才授任就近陞補似爲穩便茲據兩司該道該府呈議中牟知縣段燿然堪當此任及查本官果毅才華清嚴操守釐剔精神四徹擔當擘畫一新且牟之與睢相距不遠吏治民情素所習知以之陞補睢州知州則不惟駕輕就熟克竟所長抑且朝拜夕臨急需有濟總之爲地擇人非爲人以擇地也旣經司道府議呈前來擬合咨請爲此合咨

貴部煩為查照陞補庶人因地以展其才而地
得人以適于治矣遺下中牟員缺更望急為銓
補施行

一 咨

吏 部

天啓六年六月

初五

日

咨吳同知調贄軍務

為酌定叅贊官員以重軍務以專職業事據河
南布政司呈蒙職批據分巡河北監軍道呈稱
卷查天啓元年間東事告急蒙前任撫院張
奉

旨移鎮境上設立磁州營添兵聽調軍興事煩遂將
磁州牛知州題奉

欽依陞懷慶府清軍同知駐磁管監軍道叅贊廳事
務當日磁營新朔百務煩興需人雖為甚急而

添官難以輕言此際彰衛二府佐貳並無員缺
惟懷慶府缺同知一員故卽以磁州知州題補
前缺帶銜叅贊此實因缺以就官非因地以定
職也至天啓二年三月間牛同知回籍兩院仍
以南陽府通判吳紹志題補前缺七月間蒙
部覆到任管事夫懷慶與磁州相隔五百二十
里而遙一經往返動踰千里之外而該府自有
清軍貼堂之職掌若令其居懷慶而理磁營則
鞭長不能及腹若令其專叅贊而廢清軍則職
守豈容偏遺所以此一官者惟僕僕于道途日
憧憧于兩地滄陽之坐席未煖而覃懷之積案
如山且今日之磁營又豈昔日之磁營乎聽調
聽援秣馬厲兵朝發夕趨煌煌

明旨本道凜凜馬合鋒勇毛武有四千官兵之約束
而繕兵治械豈一人心力之盡殫所賴以稽察
其勤惰調劑其紛雜者實屬于叅贊之一官而
本官又不得專理其營務在本道有獨拍之勞
而本官無分身之術揆之政體人情深爲不便

然而向不敢輕議者則以官有定員事有定屬
勢難奪彼以予此故日復一日今本道查得彰
德府張同知業已內轉而此缺今尚未補伏乞
本院特賜咨請卽將懷慶府同知吳紹志調補
彰德府同知此後叅贊事務永遠屬于彰德同
知如此則地方實有三便夫彰德之去磁州七
十而近朝還而夕至暮發而朝來本官無跋涉
之苦而驛遞省應付夫馬之煩且本官之書皂
人役取之彰德之原有者而自足又不必煩地
方之設處其便一磁州爲彰德所屬一切文移
公牘質成問斷在磁猶在彰也于軍廳無曠官
而于磁營有專理其便二且河朔爲中州之北
門爲宇內之孔道屬邑多介山西徇夷出沒鄰
境卽爲北直盜賊縱橫今令本官久駐于磁以
治兵之職兼可以爲弭盜之圖其便三且吳同
知清操練識雅度恬衷歷俸幾及四年經薦已
至九次今仍以同知而調在本官毫無越俸躐
進之嫌而懷慶爲河北善郡彰德爲河北衝途

今舍逸而趨勞在兩臺又非爲本官移艱就逸之舉惟今日得此一調則此後叅贊之務皆屬于彰德之官旣可以補目前權宜之未周又可垂後來未遠之規則其于三郡之軍務一人之職業所關均爲不淺矣爲此會同分守河北道具文呈請等因照詳蒙批仰布政司會同按察司查議速報等因到司備蒙已經移文按察司會議去後今准該司牒稱看得磁州營務設叅贊官一員以文職之饒武略者充之初時爲

懷慶府牛同知牛去後則今同知吳紹志也官在懷而詰戎于磁相去幾至千里兩處管轄本官日惟奔走途路耳初軍府草創只主于取材遂不暇計及于地日久事壅誠爲不便今本道議將吳紹志調補彰德府清軍同知卽叅贊磁營軍事彰磁同郡咫尺連疆廳務營務兩不相悞以貳守而補貳守非有越踰也後日卽吳陞後卽註選彰德府清軍兼叅贊不必別題實爲永利等因備牒到司准此該本司看得磁

州之兵既成營伍矣軍務煩冗贊畫誠不可少者乃懷慶府同知吳紹志夙抱匡時之志綽有應變之才若令專駐磁州殫心贊畫必能壯三軍之膽氣而稱一旅之雄者第懷慶距磁五百餘里往返跋涉不勝煩矣今議補彰德同知員缺兼理贊畫之事其勢甚便庶廳務營務兩不相妨而驛郵無擾職業不曠計無善于此者其懷慶府同知員缺另行銓補永為定規可也等因具呈到職據此會同巡按河南監察御史楊

看得參贊之職用以經理營務者也振飭

簡閱大綱固在于該道而分猷協力庶務俱資于本官凡申明紀律較練擊刺繕脩器甲綜覈糧芻無一非本官之責必其夙夜在公庶幾緩急有濟若同知吳紹志者以懷慶之官理磁營之事一往一還跋涉動踰千里顧彼顧此精神詎能兩周雖本官任勞兩無廢閣之事然後人承乏終切叢脞之憂該道請以本官調補彰德就近詰戎以後永以彰德同知駐磁料理于事

甚便及查同知吳紹志雄才乘萬里之風妙手
導千牛之窾助襄績著組練功高以之調補彰
德不但免奔馳之勞省驛遞之費且以本府之
官臨本府之屬法令肅而將吏畏威責任專而
壁壘生色政事武備兩有裨益實長久之便計
也既經兩道會呈前來又經兩司覆議僉同擬
合咨請爲此合咨
貴部煩爲查照調補施行遺下懷慶員缺更望
急爲銓補

一 咨

吏 部

天啓六年六月

初九

日

咨張國柱陞道中軍

爲議補中軍員缺以重營務事據分巡河北監
軍道呈據叅贊同知吳紹志呈蒙本道憲牌查
得本道中軍守備王佐患病日久隨委千總張
國柱暫管今王佐已故其中軍事務例應呈院
坐委牌仰本廳官吏卽查相應官一員具繇詳
道覆議呈委等因到職遵依查得千總張國柱
自委署中軍以來事務周詳兵心懾服且本官
偉度練才清操壯略賢聲素著司捕徽猷再見

攝營况歷經四薦例應推陞仍宜呈委以需權
用者也等因到道該本道看得河北巡道帶銜
監軍也自前任丘副使始也而監軍道之設立
中軍守備也自范應元始也蓋軍務所關非監
軍無以專統馭之體非中軍無以布傳宣之任
總之重事權正所以重營務顧兵分三營營伍
之稽查宜密營各爲兵兵心之意願難調而中
軍一官尤宜于群情之歸向衆志之懾從故必
久習于營務者乃可以稱其任使今查得加銜
千總磁州守禦所掌印副千戶張國柱束髮已
習戎行握篆久著成績旬日署官已孚衆志若
令專任必振軍容况本官歷考軍政俱優四次
薦剡屢列于樞部論薦論俸之例亦在應推之
時伏惟本院俯賜裁酌一面准令本官暫管監
軍道中軍事務仍一面移咨

兵部准補守備員缺庶于本官爲駕輕就熟而
于營務爲朝施暮及矣等因具呈到院據此案
照天啓六年五月初三日准

兵部咨爲回奏事該本部題推用武職緣繇今
後在京候補候推者當令月一過部堂司親閱
其才品在外聽推者責令各撫按慎揀雄才毋
容使猥瑣濫竽致臣部冒昧從事也以俸薦兼
人才請自今日始矣等因題奉

欽依移咨前來已經欽遵并通行司道等衙門一體
知會外今據前因該本院會同巡按河南監察
御史楊議照磁州地方兵馬雲聚壁壘星聯
主訓練而壯威武在乎該道而該道中軍一官

則用以傳宣號令實緊要之職也非歷練之久
才幹之優者不能勝任據呈加銜千總磁州守
禦所掌印副千戶張國柱已經四薦堪補前缺
及查本官武藝精閑才諳諳練司符素聞廉靜
管兵更多調停用爲中軍必能鼓三軍之氣况
兼體貌軒昂深合

部題之格旣經該道呈報前來擬合咨請爲此
合咨

貴部煩爲查照推補施行

一 咨

兵 部

天啓六年六月 十六 日

咨考城縣請鑄印信

爲再懇轉請印信事據河南布政司呈蒙本院批據歸德府考城縣申稱本縣印信自萬曆元年十月鑄發經今五十餘年篆文湮沒四角銷磨幾同白板起解錢糧及申上通下文移全藉印信邇來玩法者多尚有偽造之弊若任模糊從事難清胥吏之奸前於天啓五年正月內具申請換蒙兩院批仰候會

題行繳候至天啓六年六月初二日詳申本府復

請蒙批仰縣徑詳布政司申請繳蒙此擬合通
詳等因蒙本院批仰布政司查報詳批到司蒙
此卷查天啓五年六月二十五日蒙撫院批據
本司呈前事蒙批仰候會

題行繳蒙此又蒙按院批候會

題行繳蒙此已行該府轉行該縣候

題去後今蒙前因該本司看得考城縣印信係萬
曆元年十月內請換至今五十四年篆文模糊
四角俱平難以辨驗且文移往來錢糧出入關

係重大儻有奸僞恐難稽查請乞換給新印以
便行使等因具呈到院據此案照天啓五年七
月內據布政司呈請鑄換考城縣印信已經具
疏會

題訖已近一年未見鑄發前來今據前因該本院
會同巡按河南監察御史楊 看得印者取信
防奸之具也考城縣印稜角已剝文理全無簿
書儻有更移何以識認錢穀儻有加減何以防
閑一邑政柄惟此是藉似有不能久待者既經

該司查呈前來相應再爲咨請爲此合咨
貴部煩爲早賜鑄發施行

一 咨

禮 部

天啓六年六月

二十五

日

咨田憲長加銜久任

爲中州多警急需培養幸賴廉能監司殲渠魁
以彰取殘之義蘓元氣以弘不殺之仁懇乞力
爲保留以再造地方以永保無虞事據布政司
呈蒙職批據河南府汝州雒陽魯山等縣鄉官
刑部尚書喬允升大理寺寺丞張論檢討王鐸
工科都給事中郭興言御史張應辰邢紹德吏
部郎中呂維祺張其平員外李宜培戶部主事
趙建極兵部主事寇從化刑部主事李作乂吉

天叙工部主事孫灝行人司司副楊玉珂行人
張昂延等呈稱竊照天下大勢四夷肢體也中
州腹心也肢體被傷猶恃腹心無恙不至內潰
其根本腹心一潰幾于莫可收拾此時而加以
鍼砭攻以瞑眩鮮不立仆必其投之以參苓朮
餌驅除邪火徐徐滋頤其真元乃始霍然有起
色分守河南道按察使田生芝才誠兩合威惠
獨調集荼苦心那念不冰兢淵廩蟠松勁骨何
事匪地揭天欬分巡河南道右叅政張夢鯨谷

虛善受犀銳無前箕斗惻形影度鴻集雁穩甲
兵滿腹畫訂武綿文經業承二載以寧居咸予
萬姓而安堵忽起跳梁之小醜敢嘯斬木以雄
行初蟻屯于桃林繼烏合于熊耳負山爲壘封
巢穴於攀藤附蘿肱篋爲糧空廬舍以淫妻掠
子蓋散則民聚則盜堪比自大之夜郎若晝而
謀宵而鳩謾問群藪之萑澤本道因其告變爰
而蒐乘與同兵巡道張夢鯨整致罪師約救民
法手握要領期得號召之首兇身當指麾不煩

聲色之假借用使村落不警於雞犬釜籠自息
乎鳥魚於是無馬知府妙以賊擒賊之方震桃
林而力協余通判循以民安民之計貧熊耳而
心同不數日間遂能昭迴萬象提蒼生于水火
之中撫定三辰登黔首于衽席之上統克橫河
雒之鎖鑰誰忍捨伊汝之干城惟是守道田生
芝時將及瓜人願吹黍所以環中州士民惴惴
縈神喁喁翕志皆謂一日失本道卽一日失所
天不憚瓊塵亟圖請命先是已經具呈按院控
籲保留聞已蒙批兩司查覆第念本道正氣直
節障波迴瀾竊恐

廟堂需才之意必不減于河雒士民萬一
題疏少遲旦暮遷擢

簡下一成難挽可但皇皇士民失諸所天不得享安
靜之福倘不逞之徒再有蠢動腹心潰亂貽憂
政大未可局狀悉也呈乞本院垂矜多警地方
曲採末議俯將分守河南道按察使田生芝
賜疏

奏加銜久任庶所在帖服其于固腹心以固肢體
有攸望矣等情又據河南府汝州雒陽等縣二
十儒學廩增附生員甯連芳張進孝郭遠猷段
國盡王邦吉張東厚張丙南孫堯中李躍任澤
武李一蛟姚景唐等呈爲地方有必不可已之
變故有必不可不借之緩輯懇息

奏保以資鎖鑰以定封疆事呈稱周南有幸嘉賴
分守河南道田生芝胸富甲兵以威惠提綏寧
之福分巡河南道張夢鯨腰懸刀斗以恢靈

咸適之宜而本府馬知府以全副精神中曉理
解于上下允協之會其在今日綠林鉅盜寔繁
有徒始小發于靈寶再嘯聚于盧氏假饑民以
爲名探囊胠篋一呼千里焚燬人廬晝而散諸
家則是民宵而糾諸山則是盜自謂官兵無敢
過而問者相率飛岩走壁依險負阻窮我以莫
能迫視蒙守巡兩道與本府馬知府捕盜余通
判親詣行間潛施妙策遂爾不動聲色執渠魁
散脅從安集百姓各獲還遯寧宇以居凡茲安

靖地方者誰弗共倚而共戴諸惟分守道田生
芝期獨留乎鶯遷思更縈于樾廕一天雨露政
堪甦微息之呻吟六管陽春偏宜噓垂枯之骨
肉况驚賊黨之蠢動未歇將需威稜之彈壓孔
敷曾乞請于前時喜俞葑采亟赴遡于今日翻
藉寇留呈乞俯憐萬命之切關過允兩司之復
議早賜咨

題但有緣以苟存膚髮願畢生而未剡臍肝為此
諄切具呈等情又據河南府汝州維陽魯山等

州縣鄉民張步會等告爲乞憐時變垂鑒民苦
叩祈保留事又據河南衛軍人宋天福等稟爲
保留賢能以甦萬姓事又據河南營馬步操兵
朱進孝等九百七十五名稟爲保留第一廉能
監司加銜久任以安地方以慰輿望事等情俱
批仰布政司會同按察司查議報詳批到司蒙
此案照先據本司經歷司呈蒙巡按河南監察
楊御史批據河南府維陽縣儒學生員張進孝
等呈爲乞留廉能監司以藉彈壓以需救寧事

等情又據河南府雒陽縣兩儒學生員甯連芳等呈爲賢能藩守裨益地方懇乞保留以慰輿望事又據雒陽縣武生杜挺等呈爲懇乞保留監司以鎮藩垣以康兆姓事又據城關鄉約水鐸集首馬獻圖等告爲中州有必不可無之官表人心有必不能一日已之輿望乞恩保留事又據河南營操兵呂起鳳等稟爲保留第一廉能監司以安地方以蘇萬姓事又據河汝二衛軍餘秦三德等告爲保留廉能監司官員事等情俱批以春仲借寇政自紛紛况今靈蘆更復多事布政司會同按察司查議報抄呈到司已經移文按察司會議去後今准該司牒稱爲照分守河南道按察使田生芝晶瑩粹品雷電風猷崇望夙著銓曹澤潤今滿河雒剔蠹刈奸狐鼠魂消三尺揚清激濁黔黎心湛二天今廉憲之俸已一年有餘則方伯其所自有也但閩東多事大盜疊興靈寶方平盧氏繼起田廉憲不動聲色縛其渠魁如孤雛耳潢池浪息市肆無

驚則河雒之間不可一日無該道彈壓也百姓
新經變亂託命該道以保室家其情之迫切不
可不體委宜加銜久任作中州之長城者也再
照河南府地方一時而兩遭變亂幸守巡兩道
田庶憲張大叅息威並用謀斷相資縛其渠魁
而脅從解散靜其巢穴而市肆無驚凡閩東士
民不罹于鋒鏑之禍又免于玉石之焚真出之
水火登之衽席安得不恃兩道爲性命依兩道
爲負襁哉兩道之保障同士民之板留兩道削
切同巡道歷俸少淺守道瓜期已及在

朝廷酬功叙庸自當不次超擢日月以遠都可不論
在小民之心似以爲巡道尚可少留守道恐卽
移去故遑遑先以田庶憲爲請者也等因備牒
到司准此該本司看得周南重地素稱繁衝且
藩封鼎峙軍民雜處未可易治者矧當灾旱頻仍
奸究嘯聚兵餉交征之時自非有精明練達之
才具慈祥愷悌之念者不能勝其任而愉快也
爲照分守河南道田按察使經綸之才金玉之

品惠流一天其雨威行千里秋霜城社塵清
屋日麗况當兩邑奸民一時嘯聚不煩再計而
地方安堵宜鄉紳士民與夫軍兵同詞而懇留
也合無請乞本院軫念重地俯順輿情特賜咨
題俾本官加銜任事庶河雒保障之功士民慙
攀轅之願矣再照靈寶盧氏之變守道田蕪使
巡道張叅政威惠並行剛柔兼濟用能不動聲
色削平大難地方莫如安瀾士民免其塗炭一
宗社生靈實式賴之矣兩道之功同則人心之借寇

亦同惟是田蕪使俸過一年陞遷在卽張叅政
歷任稍淺被澤有日所以人心汲汲爲田蕪使
久任之請也等因具呈到職據此案照先據鄉
紳士民呈狀前情俱批仰布政司會同按察司
查報去後又經巡按會職于題
知盧氏擒獲元兇疏未乞

勅下兵部移咨吏部請將本官加以應得職銜留爲
維中保障未見題覆今據前因該職會同巡按
河南監察御史楊 看得周南地居孔道旣

稱繁劇之衝山勢環連又爲奸盜之藪矧當民生困瘁因而嘯聚易生任斯地者必具排難解焚之才抱持危定傾之畧始足資彈壓而稱保障焉分守河南道按察使田生芝琳瑯粹品鎖鑰宏才綢繆慮切撤桑指顧風清壁壘當兩邑奸民煽亂不憚親詣行間運先聲奪氣之謀收不戰屈人之功卒使鯨鯢授首狐鼠潛踪地方奠若安瀾該府士紳軍民人等厚藉福蔭于一時更望依怙于永久因其俸期將及恐或喬遷

而去所以聚族而謀合詞借寇汲汲以加銜又任爲請也再照叅政張夢鯨同心協力臨陣決策定亂之功同士庶愛戴之心亦同但褰帷方新被德有日故先以田爲請耳旣經兩司議呈前來相應咨請爲此合咨

貴部煩爲查照咨內事理希將按察使田生芝俯順輿情加以應得職銜以旌分守河南道有駕輕就熟之便無迎新送舊之勞不但河雒永資保障其關係中原之理亂政復不小矣

一

容

吏

部

天啓六年六月

二十五

日

容請軍器不能改造

爲懇恩移文驗收事據河南布政使司呈稱據
本司經歷司呈抄蒙

工部虞衡清吏司紙牌奉

本部送據河南布政司批差百戶陳坤領解四
十八年至天啓三年盈甲一千三十副投驗到
司查得四十八年以前者原係舊式而天啓元
年起者應遵新樣改造今本官所解不分年分
槩俱舊式第頒樣通行數載何仍以舊解礙難

送驗已在備查先案間隨奉本部送據戊字庫
揭帖內稱河南解官百戶陳坤稟稱坤于去年
十一月蒙布政司詳允兩院咨奉部文准照舊
式造解遵將造完四十八年并天啓元二三年
盈甲一千三十副間關道路苦楚萬狀方得抵
京今蒙鈞語止收四十八年天啓元年其二三
兩年要照新式方准驗收痛思錢糧奉文遵造
督理自有專員坤止管解叩乞移文工部備呈
原案准收以後年分移文照依新式等情到庫
據稟爲照軍器舊造不堪奉

日頒式通行各省今本官呈解各年軍器查四十八
年天啓元年係造于未頒式之先姑從舊式查
收其二三兩年合應駁回但本官稱係布政司
詳允兩院遵照部文舊式造解中間是否藉口
有無原案可稽况四十八年以前拖欠尚多合
併催解等因到部蒙批衙司速查送司隨經案
查天啓三年十月內河南巡撫咨爲軍器匱乏
仰遵

祖制等事咨稱盛甲新式之價比舊價不敷欲動段
匠等銀咨文及本部移覆段匠兩價銀兩各有
司存難動或仍照舊式造解各咨備錄呈堂蒙
批移文內監酌收仍咨行該省并拖欠催解奉
此復經全咨移會酌收去後今准該庫回稱四
十八年天啓元年者已准查收其二三年例應
駁回遵照新式另行成造何乃以價之四倍者
仍以舊式爲辭且各省俱有頒去式樣而昨年
蕪州等府遵式造解者可爲明券若該省因有

前咨而以舊式爲便徒利于造解糜費

朝廷錢糧無裨實用部文謂何視

明旨若故紙也本庫務在恪遵不敢越俎其事兩年
盛甲委難准收希移文駁回該省遵照頒式另
造及以前拖欠一併勒限催解等因移覆到司
准此看得所解盛甲原不合式法應駁回第本
司目擊時艱且東西多事錢糧萬分匱乏而造
辦匪易護解驚險故不避艱而移文准收奚啻
再四而該庫堅稱抗

旨違式不惟不允驗收而且喋喋題叅實于貴省不
便今若以二年盛甲駁回不但倍費車脚工料
而且長途風雨可虞錢糧恐歸烏有卑弁累斃
不無本司曲爲全局備查節年拖欠數多卽以
所解兩年舊式改作以前欠數又無往返之倍
費得完積久之宿逋以免查叅之議于情法兩
盡爲此牌仰經歷司查照來文事理卽便呈堂
另給改作舊欠批文更換前批仍將前欠一併
責令本官護解前來以便一總送驗二年以後

俱照新式星夜打造速解不得仍以文移往返
煩查駁致生叅議務在恪遵頒式此係軍前急
需弗視泛常故違期限等因抄呈到司案照先
于天啓二年三月內蒙撫院馮案驗准

工部咨爲軍器匱乏等事令河南布政司入
覲隨朝吏楊大祥順賚盛甲臂手腰刀弓箭弦條新
式到院發司行據開封府申估新式盛甲每副
該工料銀五兩五錢八分三釐八毫腰刀每把
該工料銀三錢三分二釐五毫二項共該銀六

千四百四十兩三錢六分三釐八毫及查原額
舊式盛甲每副該料銀一兩二錢五分七釐二
毫六絲五忽九微腰刀每把該料銀二錢七分
二釐五毫七絲八忽五纖二項共額該銀一千
六百二十六兩一錢四分一釐三毫一絲五忽
八微三纖除原額外尚多銀四千八百一十四
兩二錢二分二釐四毫八絲四忽一微八纖因
錢糧不敷于本年七月二十三日呈請本院照
詳蒙批盛甲等項准動支

工部錢糧如式打造仍候咨

部行繳等因蒙此通行八府選委府佐如式打
造去後天啓三年閏十月內蒙本院案驗准

工部咨前事准河南巡撫馮

咨稱本省每

年應造解部盛甲腰刀一千九百餘件原額料
價銀一千七百三十九兩今遵新頒式樣估造
該用銀六千四百四十兩有奇除前額銀外尚
少銀四千八百餘兩據議欲動本部歲額段價
銀三千一百六十九兩零再動班匠銀一千五

百三十一兩連前舊額料銀共轉六千四百四十兩之數以本部之銀充本部之用似應准從合候咨示自天啓二年以後遵照新式委官打造其天啓元年以前逋欠者仍照舊式造解倘以段價班匠銀不備用之打造或令通照舊式舊價爲此合咨裁奪如不准動前銀仍全照舊式打造亦希咨示以便遵行等因到部送司查得東事突興該廠以盛甲腰刀往往朽鈍不堪故頒新式于四方蓋緣所造一副有費至八兩

者欲分爲兩副以廣其用耳而中州原額固甚省也若以新式計筭費乃四倍于舊焉據咨欲動支段價匠班兩項以足之夫此兩項各有司存本司固不敢以借爲例因取新舊式互勘舊未嘗不可用但少臂手耳臂手辦之兩廠可無違悞似仍舊爲便每歲只照原式解一千九百餘件其段價匠班仍以本色解進俾各司俱不失原額蓋費不增而數得倍者宜從新額如故而費加增者宜從舊是亦酌盈縮于時匪敢好

爲異也等因呈堂蒙批如議照舊咨會行奉此相應咨會案呈到部擬合就行爲此合咨前去煩爲查照來文事理仍將額解盈甲等項照舊式造解其段價匠班銀兩亦行仍舊解京等因到院案行到司通行八府查照舊式選委各府佐貳等官打造去後隨據陸續解到宣武等八衛所盈甲腰刀一千九百八十一件批差宣武衛百戶陳坤管解赴部又據各府清軍等官解到宣武等衛所天啓三四等年盈甲腰刀共計二千五百餘件已經呈蒙兩院坐委宣武衛百戶李踰龍見今起解間今據抄呈前因該本司查看得盈甲腰刀歲有定額價有舊估其來遵行久矣近奉頒式估造每盈甲腰刀一副計費五兩八錢有奇除舊額外尚多用銀四千八百有奇曾于天啓三年請動段價匠以爲贖用隨蒙憲示仍照舊式打造遵照造完一千九百八十一件已經解部尚有打造已成二千五百有餘見今起解今又承准

本部紙牌覆駁改造及將新鮮改作舊欠之數
隨查庫藏近來搜括如洗又無別項可動恐難
作無米之炊此本司所以躊躇無計而不得不
爲再請也再照更換前批一節誠爲

本部美意第查軍器料價分派十四衛所有按
年解到者有數年拖欠者一換批文恐拖欠者
幸得完解之名使完解者返獲積欠之議似爲
未便相應呈請合候轉達

工部明示俯將天啓二三四五年分打造已成
者免行改造換批仍舊解京其天啓六年以後
照依新式打造所加工價或于何項錢糧

題留前項數目選委府佐照式打造庶新式得符
而軍需有賴矣等因具呈到院看得造解盔甲
腰刀歲支

工部料銀一千六百二十六兩若照天啓二年
發來新式估之則該用銀六千四百四十兩矣
比舊額多用四千八百一十四兩有奇前歲已
會議留本部段價班匠銀兩以補其數

工部

天啓六年閏六月初四日

咨鹿邑縣軍器赦免

爲軍器匱乏等事據河南布政使司呈稱據歸德府申蒙本司劄付蒙本院批據鹿邑縣申奉本府帖蒙本司劄付蒙本院案驗准

工部咨前事備蒙帖仰本縣官吏卽將單開拖欠歷年軍器銀兩限十月解府以憑轉解計開鹿邑縣拖欠萬曆三十四年銀三百三兩二錢一分四釐三十五年銀三百三兩二錢一分四釐三十六年銀三百三兩二錢一分四釐三十

七年銀三百三兩二錢一分四釐等因奉此又蒙本府紙牌蒙睢陳兵巡道憲牌蒙本院憲牌催前事等因蒙此查得本縣歷年軍器銀兩俱各完解批收附卷止欠三十四年至三十七年每年額派三百三兩二錢一分四釐共銀一千二百一十二兩八錢五分六釐委因先年異常災傷河工苦累瘟疫流行百姓逃亡過半僅存者尚無餬口地盡荒蕪錢糧逋負卽京邊銀兩亦未盡完故前項軍器銀兩委得徵收不前以致拖欠未蒙

恩詔之先雖每任接管知縣追徵新舊一時不能齊足致煩上檄至泰昌年間得

恩詔內云將四十一年以前凡係小民拖欠一應錢糧盡行蠲免前官已將蠲免年分出示通衢曉諭周知小民沾

恩懽忻本縣蒞任來亦照舊徵收見年錢糧拖欠者不敢擅追今蒙提催前欠軍器銀兩查自三十四年至今相隔二十餘年但年遠人亡無從拘

追欲援

恩赦蠲免恐違上檄欲行拘追恐小民借口屢奉
恩赦不肯完納欠銀無償徒受捶楚之苦以滋小民
之怨似難再徵本縣躊躇再三事涉兩難干係
匪輕相應申請等因蒙批仰布政司查報蒙此
本司劄行到府行據本縣申稱查得本縣地方
自萬曆三十四年至三十七年異常災傷無以
溫疫流行河工苦累百姓壯者遠逝老弱者
餓斃溝壑蓋十有七八僅存窮黎既無所獲于

野而何所輸于官日食野菜苟延殘喘以致拖
欠前項軍器銀每年三百三兩二錢一分四釐
共積逾一千二百餘金以前任官催徵並無完
解後蒙

恩詔蠲免示諭周知小民忻沾

朝廷浩蕩之恩矣今蒙查議拘提赤歷草札底簿對
查果否花戶拖欠有無侵欺應否蠲免行據差
役各稱時遠人亡簿從何查難以拘解據此看
得鹿之二十年前也遭遇天災疊仍地蕪民逃

自城五里以外蘆葦樵天一望無際獐鹿成群
狐兔雲集逃民遺產遠觀則高樓大廈近視則
人去樓空而天井中皆蘆葦填塞也一閱原奉
踏荒卷索回想當年光景真是令人酸鼻泣數
行下矣蒙府與刑廳親詣踏勘真的請給牛種
招撫流移輪轉開耕年復一年日漸成熟今日
布禾之土卽昔日拋荒之地今日佃種之民却
非昔日荒地之原主也雖招來復業者固有而
頂糧納差者亦多今奉查議將原欠前銀各年

赤歷草札及欠銀花戶逐細造冊原收歷簿無
存委難清稽無憑造冊等情具繇申府該本府
湯知府看得該縣軍器銀兩邇年以來照數全
完並無絲毫逋負其欠者乃在萬曆三十四五
六七年當日情形天災河變遷徙漂流踏荒文
卷猶存真不啻鄭俠之繪流民也征輸以窮迫
而難前原非積玩有司援

恩詔而求釋自非市恩况時歷二十年之久而欲後
人代前人之輸納後官代前官之誅求無論爲

必不得之數而亦非所以信

詔令也等因到司據此該本司看得鹿邑縣軍器銀兩自來無欠祇緣三十四年至三十七年天災流行瘟疫遍野又無河水遷徙小民強半逃亡所以逋欠一千二百餘金時歷二十餘年無從拘追近蒙

部催自三十年爲始屢行查催該縣屢援

赦免是推

朝廷浩蕩之恩似應准從第

部文前件未銷終屬不了之局必藉本院移咨請豁庶民無加徵之苦而前件亦得清楚矣等因具呈到院據此案照天啓五年八月內准

工部咨前事已經案行該司并牌行睢陳兵巡等道督催節年軍器去後今據申呈前因該本院看得鹿邑縣每年額該軍器銀兩如期完解並無拖欠祇緣三十四年至三十七年歸德一帶瘟疫盛行大河橫溢原隰化爲澤國催科廢于離散所以逋欠至一千二百有奇也今雖開

墾成熟而歷年已久闢荒之人多非原業之主
卽欲徵之無憑稽查况屢奉蠲免之

詔若復行派徵何以信

明旨而昭

聖德乎該縣乞要照

赦免徵似宜准從既經司府查報前來擬合咨請爲

此合咨

貴部煩爲裁酌免催仍希咨示以便遵依施行

一 咨

工

部

天啓六年閏六月

十八

日

咨解黔銀開銷鑄息

爲民生

國計俱窮等事據河南布政司呈蒙本院案驗准
戶部咨專理新餉山東清吏司案呈奉鑄部送
據催餉張主事呈稱准河南布政司開開共獲
過鑄息二萬九千七百五十四兩四錢除解赴
貴州犒賞及解京充餉外見在鑄息一萬二千
九百三十五兩四錢五分見今起解等因到部
蒙批報鑄息之數起解貴州犒賞及解京充餉

不知有何憑據新餉司查報奉此送司查得五年四月內該省解到鑄息一萬二百四十六兩八錢七分合之該省報數除見在起解外尚該六千五百七十二兩八分第云解充貴州犒賞事屬可疑隨移付貴州司會查今准該司回稱四年正月內本部原題動河南樽省抵補新餉銀一萬四千兩差光祿寺署丞江文敷前去領赴貴州犒賞今准移文內係鑄息惟差官姓名日期相同而銀數不同等因到司又該本司看

得鼓鑄生息崙資遼餉故開鑄卽當報息有息卽當解部毋容那移別用本部原題動該省樽省銀充餉並未言及動支鑄息今報以鑄息充犒賞明係該省自行那移且樽省銀兩亦屬遼餉貴州司題用未行知會本司以故漫無可憑相應移文該省除解到鑄息一萬二百有奇外速將存庫鑄息六千五百七十餘兩及見在起解鑄息一萬二千九百三十五兩四錢五分一併星馳解部以濟遼餉急需等因呈督鑄部蒙

批假令各省鑄息俱不報及至查催又以那借別項抵塞是鼓鑄專爲本省耳京邊將何賴焉如議移文速解奉此理合呈堂移文河南撫院及照會布政司將鑄息二萬九千五百餘兩星速解部充餉等因呈堂蒙批照行奉此案呈到部擬合就行爲此合咨貴院煩卽轉行布政司將前項鑄息一併星馳解部不得借名抵塞致虧息額考成未便等因到院案行到司蒙此又承准

戶部照會前事等因承此案照天啓四年正月二十五日蒙巡撫右副都御史馮 案驗准
戶部咨前事案仰本司官吏備奉

欽依卽將樽省抵補新餉銀一萬四千兩眼同差官光祿寺署丞江文敷秤兌入鞘釘封交割其合用廩給夫馬防護官軍悉照勘合內數日火速應付以便星夜解送貴州軍前犒賞有功員役施行毋得遲錯未便蒙此又據本司經歷司呈抄蒙巡按梁御史案驗奉

都察院巡按河南二千三百六十四號勘合准
戶部咨同前事仰司抄案呈堂照依案驗咨劄
備奉

欽依內事理卽將撫院報有樽省抵補新餉銀一萬
四千兩候

部差光祿寺署丞江文敷至日照數發給欽遵
施行等因到司又蒙撫卽三院俱准

本部咨爲

國家萬非得已之計等事內開舊撫院贓罰銀二
千三百兩今年贖銀八千兩俱應解太倉舊餉
按院搜括銀五千兩又係應解新庫不得移抵
此外止有樽節等銀一萬四千兩可以准抵唐
縣等十八州縣地畝加派銀兩浮于正額尚缺
八萬餘兩查照各省不免之例倣行務俾有助
于餉毋腴于民而勿以減免再望臣部可耳等
因到院案行到司又承准

戶部照會內開舊撫院贓罰銀二千三百兩今
年贖銀八千兩俱應解太倉舊餉按院贓罰又

係應解新庫不得移抵止有樽節等銀一萬四千兩可以准抵及查樽省銀一萬四千兩係兵糧支剩原報米銀四千兩五門商稅銀二千四百七十九兩四錢九分八釐四毫四絲二忽二微貯庫合變價銀四百七十一兩祥符縣拆封餘剩銀二百二十八兩三錢三分三釐太康縣樽節銀二百四十九兩八分一毫六絲新鑄錢餘利銀六千五百七十二兩八分八釐三毫九絲七忽八微以上銀共合原報一萬四千兩之

數本司隨于天啓四年三月初四日眼同差官江文敷照數兌準入鞘解赴貴州軍前犒賞有功員役用訖已經呈蒙兩院達部開銷外今蒙前因除鑄錢餘息銀一萬二百四十六兩八錢七分三釐七毫四絲四忽五微五纖于天啓五年三月初六日本司差委開封府檢較潘世鳳按察司司獄景宜春解部交納取獲批收附卷又錢息銀一萬二千九百三十五兩四錢五分九釐四絲七忽四微捌纖又于天啓六年五月

十二日差委本司案牘趙俸解部訖今行查錢
息銀六千五百七十二兩八分八釐三毫九絲
七忽八微彼時已蒙

戶部照會并三院案驗行令支給差官江文敷
領解貴州訖並無未完鑄息銀兩亦無那借別
項情弊逐查明白擬合具繇呈報伏候轉達施
行等因到院據此案照前准

本部咨文動支樽省銀一萬四千兩付差官署
丞江文敷領解貴州充賞其鑄息銀六千五百
七十二兩八分原在一萬四千之內併解充賞
訖蓋遵鑄息准抵本省新餉之文也今准

本部咨稱將鑄息星速解部但樽省一項原抵
新餉鑄息亦抵新餉以新餉解貴州原非自行
那借今復責之解部將以何爲解乎旣經該司
具呈前來擬合咨報爲此合咨
貴部煩爲查照開銷咨示施行

一 咨

戶

部

天啓六年閏六月

十八

日

咨請樣錢兼報鑄規

爲條陳錢法利弊

賜鑒採以裕

國用事據河南布政使司呈蒙本院案驗准

工部咨虞衡清吏司案呈奉本部送工科抄出

刑科給事中潘題奉

聖旨這本說錢法利弊切中肯綮着該部如議速與覆行欽此欽遵抄出到部送司奉此看得鑄錢爲自然之利正可下資民用上佐

大工非因部堂之檄而謂此法可罷也今如科臣所言各藩司出鑄本而督以監司隨便取銅隨地制宜以鑄本歸之地方以子錢輸之京師務期上下通行公私兩利且任事者俱有勸懲之法弊端絕而行最可久相應覆議上請等因案呈到部該臣等看得鼓鑄之舉以興利也然興利必先祛弊若法制未善區畫未周利未必得而弊且叢之矣方今內外訕匱誠以鼓鑄爲最急要然鼓鑄之法必期于精公鑄不精私鑄得而冒之而法難行鑄法精矣取利固微所以設局務多行錢務廣而後其利不貲可以裕國用也科臣遠見石畫謂鑄本不必于淮鑄錢不必于荆州督鑄不必于

欽遣大臣分說各省各擇一監司更廉能者專委任之爲之區處錢糧而總其成于撫按陝西撫臣業已設誠而致行矣他省不可倣而行乎處處開局處處行錢而行自官先之祿俸廩餼等項搭配兼之而解其餘羨于京以助

大工一一如科臣所議計無便于此者惟是督鑄大臣仍設與否臣等未敢擅議至于隨鑄之官應候督鑄大臣設否以爲撤留旣經該司具呈前來相應覆請恭候

命下容臣部移咨各省聽各該撫按會同藩司設處鑄本仍選賢能監司專爲督理一應委用買銅等項并解京餘錢俱許酌議便宜行事其各衙門俸糧工食及

王府月糧與州縣零星錢糧俱照原題行每歲終撫按官仍開報殿最以憑懲勸其主事崔源之前已奉差抵荆應否撤回本部另行委用總候明旨遵行等因本部尚書董 等于天啓六年二月二十一日具題奉

聖旨是你部裡便行與各撫按官會同布政司設處鑄本選賢能監司專任督理仍頒與錢式其一應委用買銅并解京餘錢聽酌議行文到之日先將督理官職名具

奏督鑄大臣不必再設崔源之撤回另用欽此欽

遵抄出到部送司奉此相應咨會案呈到部合
咨貴院煩爲查照本部覆奉

欽依內事理希卽會同布政司酌議妥當徑自具奏
其樣錢俟貴院差役赴部領回鼓鑄施行准此
案仰本司官吏照依咨案備奉

欽依內事理卽便設處鑄本選委賢能監司專督鼓
鑄與

戶部錢法應否另局先將鼓鑄應舉事宜酌議
妥確同督理官職名具呈兩院以憑具

奏一面差役赴院領咨過部關取樣錢毋得遲緩
蒙此除將鼓鑄應舉事宜同督理官職名酌議
妥確鑄本以庫貯新錢抵換兵糧三萬兩已經
呈蒙兩院詳允外所有錢樣遵照原行相應端
差承差陳起龍前赴本院候領咨文赴
部關取照式鑄造等因到院據此案照先准
工部咨前事煩爲查照本部題奉

欽依內事理希將會同布政司酌議妥當徑自具奏
其樣錢候貴院差役赴部領回鼓鑄等因准此

案行該司酌議遵行去後隨據該司呈准本司分守大梁暫理錢法右叅政張魯唯咨據開封府清軍兼管錢法同知劉從敏呈蒙本道劄付准本司關仰本廳官吏照劄備准咨文及案咨備奉

欽依內事理即便酌議妥確與

戶部錢法應否一局先將鼓鑄應舉事宜同督理官職名報道以憑轉咨具呈兩院具

奏差役赴院領咨過部關取樣錢母得遲緩等因

查得鑄錢銅料河南八府原非產銅鉛之地差官領銀買銅前往陝西荊州等處採買往返半載運至錢局因此鑄造接濟不前見今鑄爐四十四座編立天地玄黃四十爐京匠四爐每爐匠役有八九人不等外有爐頭二名管局官一員每爐紅銅五十五斤倭鉛三十三斤攪化一處鑄成天啓制錢十千文今奉

明旨議設工部鼓鑄與戶部錢法應否一局該卑職有得鼓鑄原天地自然之利可以佐

國家之急但利之多寡不在局之多開而在銅之接濟中州原非產銅處所目今招商貿易不足兼之差官採買尚且時斷時續甚有停工待銅望眼欲穿多設爐局必多一翻局官多一翻爐舍此費豈不糜甚銅之不繼雖多何益合無將原設鑄局量添六爐多方採買銅鉛接濟工匠不歇卽一局與二局同所得利息以十分爲率六分解

戶部以助遼餉四分解

工部以助

大工庶彼此兩利而成規不至更張矣等情具呈到道該本道看得鑄錢之法本留地方息佐軍

國于計誠便就河南一省而言亦設誠致行之矣爐多利廣固也然須銅鉛應手而後鼓鑄不停中土並無銅山必取足于他省間或接濟不及勢必停爐待銅目下已遣官分出多方採買矣爲今之計爐可以量增其六而局不必分之爲兩誠恐反增浮費無裨實利故也惟十分其息

以六分歸

戶部以四分歸

工部庶上下兩便而規制畫一矣等情移咨到司該本司看得鼓鑄一事局多利廣其議似是然而銅不接濟局何取于多也今議原設之局添爐六座銅鉛應手鼓鑄不停其裨益無窮矣所得錢息戶六工四分解兩部其

戶部督理錢法監佐專任本司清軍右布政開封府清軍劉同知工部無容另議其鑄本照依戶部該銀三萬金今查司庫並無收貯

工部銀兩合無請乞或將地畝題留或將裁扣兵糧暫動候鼓鑄完日其本仍充正項是兩利之道也具呈本院蒙批鑄錢事宜俱准照行兵糧需用至急不宜輕動地畝銀兩部催甚嚴題留亦屬不便仰司另查堪動者報奪蒙此又據本司經歷司呈抄蒙巡按河南監察御史楊批候會議行繳蒙此遵依逐查本司庫貯錢糧盈萬之數者止此兵糧地畝二項足供鑄本外

此而另查堪動者無有也請暫爲權宜計合無
將兵糧動支三萬兩以庫貯見在新錢抵補軍
糧之用不惟以錢易銀而急需不缺且以本獲
息而生利不窮汴營官兵廩糧工食素樂行錢
似屬兩便等因呈詳到院據此會同巡按河南
監察御史楊 爲照生財之道莫善于鼓鑄然
鼓鑄之法不貴于局之多而貴于爲之疾若使
銅鉛應手匠不停作且有一道一廳督之雖止
量添六爐而浮費頗省子息自多所出餘錢卽
戶六工四何者非供

國之用也第天下無無本之利有變通之權該司
既查並無別項銀兩堪作鑄本仍以見貯新錢
抵換兵餉三萬兩支用不乏鼓鑄有本彼此兩
便似宜准從今據前因除將鼓鑄應舉事宜會
議妥確同督理官職名另行具
奏外所有樣錢相應咨請爲此合咨

貴部煩爲查發施行

一
咨

工

部

天啓六年閏六月

二十九

日

咨瞿知府陞補監司

爲酌議就近陞補監司以安地方事據河南布政司呈蒙兩院憲牌近接邸報分巡河南道張叅政已陞廉憲整飭睢陳第該道駐劄汝州諸山連環地方遼闊羣盜淵藪最稱繁劇所賴該道彈壓消弭誠不可一日缺員者若候部推別省來補未必刻期能至又恐人地兩不相宜合行查議爲此牌仰本司官吏即便會同按察司於所屬見任知府之內逐一品薦擇其

才品兼優資俸俱深應該陞轉堪補前缺者作
速酌議定擬通詳兩院以憑會議咨請等因牌
行到司已經移文按察司會議去後今准該司
牒稱看得關東河雒之間一時而兩起大變兵
巡道臣關係尤要也須精明足以察變又安靜
足以宜民和惠如赤子在抱又威望如虎豹當
關才品兼長恩威竝著乃稱厥任前道張大叅
以博大沉雄嚴明愷悌兩定民變率用此道則
繼張大叅之任者胡可不選也查得開封府知

府瞿士達八九雲夢爲襟十萬甲兵在腹經綸
巨手文武壯猷以之承張大叅之後恪遵前規
可謂先蕭後曹竝建奇勳不啻一韓一范且歷
俸已及三年之期治聲又爲兩河之最于地方
爲救時于資格無踰越陞補該道令刻期到任
以安反側似莫便于此者也等因備牒到司該
本司看得河汝當天地之中而盧靈遭叠變之
後山川聯絡奸宄易生所需分巡道臣資彈壓
而戒不虞者厥任綦重矣曩張大叅恩以撫摩

威以戡定迄今萑苻無警民躋春臺而繼之者
必品望素優才誠兩合乃可勝其任而愉快也
查得開封府知府瞿士達壁聳千尋氣槩刃遊
八面才鋒屬凜紀綱人依山斗德政久孚于汴
上芳猷丕振于天中俸已及瓜超擢伊邇若以
陞補該道撫綏殘黎不惟人地相宜且于前烈
益光安重地而弭禍亂端必繇之等因具呈到
職會同巡按河南監察御史楊 看得要地之
需道臣從來喫緊况河汝當罹變之後豕蛇之

毒雖翦風鶴之驚未釋所賴建威銷萌安民輯
衆道臣尤不可一日缺者前張大叅以雄才偉
略兩定大亂士民攀留弗及業轉睢陳道矣繼
斯任者非素具文武之才饒經濟之畧安能以
消反側而慰民望乎茲據兩司會呈僉謂開封
府知府瞿士達堪以陞補及查本官射斗凌霄
節槩肩宏任鉅經綸澤被萬靈才雄八面且歷
俸三載治最兩河若就近陞補不但此中窳繁
本官熟悉且朝聞

命而夕受事勢無便於此者擬合咨請爲此合咨
貴部煩爲查照咨內事理希將知府瞿士達陞
以應得職銜用補汝州道缺庶奸宄消窺伺之
心士民有長城之倚其裨益地方非淺鮮矣遺
下開封府員缺更望急爲銓補施行

一 咨

吏 部

天啓六年七月初八日

咨陳憲副加銜久任

爲保留賢憲加銜久任以慰輿情以安地方事
據河南布政司呈稱蒙職批據標下中軍守備
旗鼓指揮千總旗牌把總聽用等官王養民等
連名呈稱竊照兵備道陳副使蒞任以來極力
振刷旌旗爲之改色存心撫字三軍洽如投醪
至選補軍士剔弊釐奸務得精銳之士以充行
伍其應支月餉屆期卽行不使嗷嗷以待哺營
伍有孔邇之歌而中原獲安攘之績今歷俸屆

期推陞在卽地方倚賴正殷官兵攀轅彌切矧
今羽檄徵調之頻仍盜賊竊發于境內非仗長
城之寄曷克彈壓之安懇乞軫念多事之時俯
徇輿情揭善政于

九重加銜久任留福星于重地用奠腹心思同再造
等情又據標親鋒營百總隊副長等兵高常等
連名稟爲乞恩保留賢憲加銜久任以恤軍伍
事又據宣武衛指揮鎮撫千百戶孫謀等連名
呈爲保留賢能方面官員以慰官軍以安地方

事又據汝南二衛省操班軍董三省等稟爲劄
天保留兵憲廉能以臻安攘事又據省城樓堡
兵役劉寅等稟爲叩乞加銜方面以福中州事
又據宣武衛城操正軍陳尚德等稟同前事等
情俱粘連蒙批仰布政司會同按察司查議報
蒙此已經移文按察司會議去後今准該司牒
稱看得省下兵備道標鋒親三營軍士皆隸焉
責任綦重控制極難專任嚴威旣失挾纊之意
純用慈惠亦長驕子之心須威重不洩心腹推

人乃能得三軍之和如今兵備道陳副使真其人矣令行秋肅惠溢春溫風雲鶴鶴成陣父兄子弟爲兵蒼頭作隊盡投石超距之雄材雲錦成群皆歷塊過都之駿足昨援遼之檄一下料士選將卽日起行無一人敢留難遲遲至今諸軍駐劄磁境長夏暴露畧無及顧之心不墜朝徃之氣各省直長征之旅未有如中州各兵奉令惟謹者也雖皆撫院之所感被而固結簡練亦具見有方矣該道四品憲職資近二十年今

官之俸亦且兩載超擢之期匪朝伊夕各兵將戀戀惟恐一旦離去今用兵之際似不宜逆諸軍之心而奪其所懷者也加銜久任以聯心膂之師允宜聽從等因備牒到司該本司看得中原腹心重地而省城都會要區五方雜處奸宄易生若非武備森嚴何以潛消反側向來設立標下三營官兵悉屬兵備道臣控制能使旌旗動色壁壘生輝坐鎮有虎豹熊羆之威臨事有桓桓赴赴之勇未有如今陳副使也者本道負

經文緯武之才嚴信賞必罰之令馭下每推心而置腹撫衆則其苦之與同用是行伍整肅將士皈依汴上倚爲長城兩河賴其保障如近奉援遼之檄各兵北上賈勇爭先駐磁訓練倍增敵愾雖奉有本院之節制而該道鼓舞振作其服之者素也今資俸既久超擢匪遙各營官兵惟恐一旦遷去如赤子之失慈母其依戀愛慕更爲懇切咸欲加銜久任未戴福星似宜俯從以慰輿望以竟厥施者也等因具呈到職會同

巡按河南監察御史楊

看得省會設有

三營咸屬兵備道統轄行陣賴以整飭軍士藉以拊循厥任匪輕矧當抽調頻仍之時自非威足懾心惠足洽髓衆實有口未易弭也矧肯傾心板留乎今兵備道副使陳其猷宏才緯武經文正氣冲霄貫斗運韜鈴于掌上鼓士氣萬竈星羅富甲兵於胸中折遐衝九天氣肅馭下寬嚴并用撫衆甘苦與同故軍士尊如神明戴若父母昨援遼之檄一下各兵奮勇爭先實繇該道

孚格之有素也今歷俸二載陞轉有期群情戀戀恐攀臥之無能豫爲乞留之舉諮諸藩臬有謂謂用兵之際不宜逆軍心而奪其所懷者有謂宜俯從以慰輿望竟厥施者又何忍拂官軍之欲而聽其陞去乎擬合咨請爲此合咨貴部煩爲查照咨內事理希將副使陳其猷加以應得職銜照舊供職有駕輕就熟之便無迎新送舊之勞不但軍心歡悅士氣益奮且建威消萌關係中原之理亂政復不小矣

一 咨
吏 部

天啓六年七月

初八 日

咨動舊餉補解京糧

爲申飭巡青要務等事據河南布政使司呈蒙
本院案驗准

戶部咨河南清吏司案呈奉本部送據河南撫
按咨前事等因到司查得彰德府安陽臨漳林
縣等三縣共該京糧銀一千三百八十七兩該
省已經徵完冊報本部因去年六月內雲南缺
餉題奉

明旨動支河南舊餉銀六萬兩遵行在案該省因舊

餉不足將徵完京糧銀兩亦湊在六萬兩之內
差官解赴雲南充餉訖今巡青科院因據周所
報移文該省行查而該省已將京糧銀兩兌作
充餉撫按會同開銷前來本司業已呈堂批准
開銷隨移會巡青去後復准巡青科院手本內
稱京糧與京餉不同餉有新舊因兵馬之增損
而推移其數猶可銷舊以補新耳若巡青錢糧
歲有定額減一分入數卽虧一分出數而

御馬等項日乏于供矣况當日該縣未嘗申請于

前從何擅扣于後若奉部文動支亦須從舊餉
中銷筭恐不得以京而代邊也乞將原扣舊餉
內補還青額庶錢糧不致溷淆而京需猶堪供
辦耳等因到部移咨到院案行到司蒙此該本
司查得原動過彰德府安陽縣京糧

御馬倉菜豆銀一百三兩六錢二分東直門裏牛
房倉黑豆銀四十兩霸上倉草銀二百一十五
兩八錢六分五釐南石渠倉黑豆銀五十兩七
錢七毫一絲七忽六微臨漳縣京糧臺基廠草

場草銀五百七十七兩三錢五分中府外場草
銀三百七十三兩一錢七分五釐林縣京糧壩
上倉黑豆銀二十五兩七錢六分原動懷慶府
濟源縣京糧壩上北馬房倉黑豆銀七十七兩
七分二厘四毫四絲四忽湖渠馬房倉黑豆銀
二百三十八兩一錢二分七厘五毫五絲六忽
犧牲所菜豆銀八十五兩

御馬倉黑豆銀一百七兩八錢六分五厘六毫五
絲四忽六微以上二府四縣共動京糧銀一千

八百九十四兩五錢三分六厘三毫七絲二忽
二微查照部文在於太倉舊餉銀內設處補還
今將安陽縣天啓六年延慶衛倉米銀內動四
百一十兩一錢八分五厘七毫一絲七忽六微
臨漳縣天啓六年浮圖峪口倉米銀內動九百
五十兩五錢二分五厘林縣天啓六年唐縣庫
布銀動二十五兩七錢六分濟源縣天啓六年
壓徵天啓五年渤海所倉米銀內動五百八兩
六分五釐六毫五絲四忽六微以上四縣共動

天啓五六兩年太倉舊餉銀一千八百九十四兩五錢三分六厘三毫七絲二忽二微照數補還前動天啓四年京糧料草銀兩之數等因呈詳到院據此會同巡按河南監察御史楊 議照京糧邊餉各有定額奉文借解自宜開銷該司既將前借京糧湊解滇餉今於舊餉之內臚列縣分及倉口銀數遵照部文如數抵還補解明白相應准從擬合咨報爲此合咨貴部查照咨示施行

一

咨

戶

部

天啓七年八月

二十三

日

咨王旗鼓加銜久任

爲保推賢能官員以裨軍務事據標下聽用旗
牌標親兩營中軍千把等官白啓采等連名呈
稱竊照標下旗鼓守備王養民歷俸有年廉勤
公慎人心咸服已蒙撫按正薦二次本年二月
蒙前院程 以邊才咨

部推陞睢陽衛領班都司比因先推馬都司姑
候另推至四月又蒙前院 咨

部推陞陳州衛領班都司亦因前推有人咨文

附卷竊恐

兵部遇缺推用他處今中原地方亦係多事之區需人匪緩軍門重務正賴此官上下調停懇乞軫念地方俯將本官咨

部加以本省都司僉書職銜仍管標下旗鼓事務庶地方有裨人心欣慰等情到院據此案照天啓六年五月初三日准

兵部咨爲回

奏事該本部題推用武職緣繇今後在京候補候推者當今月一過部堂司親閱其才品在外聽推者責令各撫按慎揀雄才毋容使猥瑣濫竿致臣部冒昧從事也以俸薦無人才請自今日始矣等因題奉

欽依移咨前來已經欽遵外今據前因看得標下旗鼓守備王養民青年偉貌赤膽奇謀挽強力控千斤揮戈風生八面服官標下久著令名咨俸已深薦贖足額脗合

部文之格矣所以前院兩次咨請推用者重其

品也皆緣移文稍後先已推補有人姑候另推
今照陞轉在邇各官合詞保留似當就近加銜
仍任標下旗鼓事務以慰輿望相應咨請爲此
合咨

貴部請照先今咨內事理希將旗鼓守備王養
民加陞應得職銜照舊管事以壯軍門威儀若
謂旗鼓原無加銜之規希于本省僉書之內遇
缺卽以本官補之則駕輕就熟猶得借其一臂
也

一 咨
兵 部

天啓六年九月 十三 日

咨龔塘官候補管缺

為咨推官員事照得標下在京提塘官龔霖繇
錦衣衛百戶於天啓四年二月內咨送

兵部頂補提塘官沈三畏員缺及照沈三畏提
塘一年咨推標下旗鼓守備遺缺以霖頂補今
經二年有餘勞期已逾一倍以例似當陞轉且
本官塘報迅速如流軍務有藉足覘幹濟之能
令其臨戎則盤錯皆宜以之禦侮則緩急可倚
蓋武弁之良也擬合咨請推用為此合咨

貴部請照咨內事理遇有河南營官缺出希循
往例准將提塘官龔霖以應陞職銜推補任事
庶幾前勞有以勸酌而後人皆知奮勵矣遺下
提塘員缺本院另行查委咨報施行

一 咨

兵 部

天啓六年九月 二十九 日

咨楊遊擊加銜久任

爲保留賢能仁將久任加銜以順衆心以肅營
務事據河南布政使司呈准河南按察司牒呈
准本司照會蒙本院批據標親二營中軍守備
千把總賀諤等呈竊照兩河腹心重地省城都
會要區二營武備之森嚴全賴兵府有數千官
兵之謀勇總屬元戎控制有方能使旌旗耀色
駕馭得體頓令壁壘增輝若非仁賢鼓舞何以
拱護金湯今照練兵楊遊擊津門世胄汴上福

星仁智兼資惠溥官兵挾纊恩威並濟膏流軍
士投醪振刷營伍而弊絕風清教練技藝則投
石超距列等第以勵戎行嚴號令以定行賞推
心置腹至公無私一塵不染倚長城于梁苑賴
保障于中原卽今俸資兼深已報陪推二次官
兵依賴正殷群情攀轅彌切誠恐一旦召頗牧
于禁中將使三軍失韓范于塞上萬懇軫念武
備型範俯鑒衆心歸服特賜題

請加銜又任庶營伍有二天之慶而官兵頂兩造之
恩矣又據標親二營百總隊副長伍兵高常等
二千名稟爲保留恩賢永福營伍事內稱親標
二營兵士總係遊府操練以壯戎行以鼓士氣
捍衛藩省消彌奸宄之心威武膺揚振作貔貅
之愾今我恩主揚遊擊自蒞任以來恩待各兵
情如慈母教演技藝凜若神君營伍釐弊實謂
無私實心以撫字三軍惠澤以悅服衆望直兩
營福星行伍仁天者也近聞陪推二次陞轉伊
邇各兵惶惶無措意効攀轅藉寇之誠以援加

銜又任之例懇祈垂憐輿論合同俯賜

題留加之新銜仍撫舊壘以奠腹心以飭行伍庶
各兵蒙恩萬代不磨矣等因蒙批仰布政司會
同按察司議報蒙此已經移照按察司會議去
後隨准該司牒稱看得畜衆要在容民練兵先
于簡將今

國家多事之秋而中州係腹心之地年來抽調頻
仍無之災傷見告其單弱惟怯之習既未可以
易振而驕悍鴛鷺之士又卒易于爲非所恃克

詰訓練聯爲指臂手足之勢者惟將官是賴今
標親二營遊擊楊大慶者藝藝虎將武庫龍韜
報

國精忠丹忱可映天日壽邊勇畧神謀直掣風雷
絕潤身肥家之念雅意急公泯廣交延譽之私
銳心營職撫士卒如撫赤子每推心以置腹中
理營伍猶理家事寧瘦貌以肥天下恩威浹于
骨髓賞罰信于四時遂使士飽馬騰旌旗赫然
改觀年來盜息民安重鎮屹然盤石誠閩外之

金湯而天中之保障當此人心維繫之秋益覘
本官操履之素况瓜期已屆積薪可念所有加
銜一節所當俯順輿情以勸將士者也等因准
此又准都司咨准本司咨據本司經歷司呈抄
蒙巡按河南監察御史楊 批據標親二營中
軍守備千把總賀諤等官兵呈稟同前事蒙批
布政司會同都司查報抄呈到司已經移咨都
司會議去後今准該司咨稱看得將在師中必
久其任則將得軍心軍知將意庶上下孚而心
志一如使循資遷易非惟送迎爲煩未免規制
互異是官職寔崇而戎務無裨也加銜之條久
稱碩畫况遊擊楊大慶一腔忠義八面才鋒簡
蒐戎伍已深櫛沐之勞消彌潢池著有綢繆之
績訓練有法矩度常嚴凜凜以大義自持諄諄
以盡忠訓士苦能同而甘與其撫摩奚翅投醪
愛與聚而惡勿施膏澤洵如挾纊第觀夫四境
風清亦惟此一將雷厲素騰芳譽已及瓜期業
經二次陪推允應加銜久任以惠此三軍者也

但淑行非可管窺確論惟憑金鑒等因各咨牒
到司該本司會看待中州地方爲八省之通衢
神京之屏藩兼以夷氛未息東西交訐奸宄出沒蓮
妖爲崇礦徒猖獗于盧宋徇賊鳩張于河朔所
賴遊擊一官訓練兵馬耀武揚威消彌釁端而
彈壓重地者非仁智兼全之將未易勝任今
遊擊楊大慶曾藏八陣畧貫六韜練兵多方悉
諳坐作進退之法行伍有紀皆知攻圍戰守之
謀自蒞任以來與士卒痛癢相關甘苦共分上

下聯爲一心無事操演兵馬則固守封疆遇警
臂指相使而膚功立奏足稱今之良將洵

國家干城之選也今本官資俸已深業已陪推二
次矣所有兩營官軍恐陞轉他方有失所天預
爲加銜留任合詞祈請伏乞俯順輿情急賜會
題庶三軍心快而戎伍增色授任得人而保障有
賴矣等因呈詳到院據此會同巡按河南監察
御史楊 爲照中州爲腹心之地當八省之衝
盜賊出沒不時礦徒窺伺叵測所恃詰戎訓士

建威銷萌惟遊擊是賴若非惠能浹人威足懾
衆未易勝其任而愉快也今遊擊揚大慶掣電
雄才追風逸足組練金戈耀日撫摩玉帳生春
其御軍士也賞罰並用甘苦與同故軍士尊如
神明戴若父母茲聞歷俸及期陞轉在邇群情
戀戀預爲乞留之舉諮諸藩臬咸謂用兵之際
不宜逆軍心而奪其所懷旣經呈詳前來相應
咨請爲此合咨

貴部希將遊擊揚大慶加以應得職銜照舊供
職有駕輕就熟之便無迎新送舊之勞不但軍
心懽悅士氣益奮且保障得人奸宄潛消關係
中原之理亂政復不小矣

一 咨

兵 部

天啓六年十月 二十九 日

浴站銀不及分數官

爲閭閻空匱已極驛遞疲累堪憐請復召募之
規革相沿之弊以清驛蠹以甦民生事據河南
布政使司右叅政兼按察司僉事驛傳道陳其
猷呈據開封等八府并汝州各申呈造報天啓
五年分所屬州縣額設各驛遞錢糧及完欠數
目并各官職名文冊到道據此案照先蒙撫按
兩院案驗准

部院咨劄節奉

欽依以後驛遞銀兩但有拖欠俱比照京邊錢糧事
例將各該有司掌印及經管佐貳官住俸降級
通行各省撫按責成驛傳道每過年終備將各
州縣額派站銀完欠分數并各官職名造冊送
部查照叅處等因備蒙已經案行開封等八府
并汝州遵行造報去後今據各府州縣造送前
來該本道覆加查筭及查天啓元年以前應帶
徵錢糧近奉

恩詔盡行蠲免遵依開除不造外今將天啓五年見

徵站銀并帶徵天啓元二三四五年拖欠銀兩逐
一查筭得通省原額歸正條鞭不分糧石均徭
一條鞭派徵大梁時和等各驛所馬驢牛隻水
防夫役并館夫新加減存編剩毡毯等項通共
銀四十四萬六千七百六十九兩四錢五分一
釐五毫六絲三忽已完銀四十二萬七百六十
一兩七錢一釐九毫一絲三忽未完銀二萬六
千七兩七錢四分九釐六毫五絲外天啓四年
拖欠銀六千三十八兩八分四釐二毫七絲於

例內該帶徵二分該徵銀一千二百七兩六錢一分六釐八毫五絲以上見徵并帶徵銀二項共銀四十四萬七千九百七十七兩六分八釐四毫一絲三忽已完銀四十二萬七百六十一兩七錢一釐九毫一絲三忽未完銀二萬七千二百一十五兩三錢六分六釐五毫總計通省所屬以十分計筭已完九分以上未完未及一分除已完十分以及八分各掌印管糧官例應免祭不造外今查汲縣見徵并帶徵銀四千七

百七十二兩二錢二分一釐已完三千三百八十七兩九錢四分一釐未完銀一千三百八十四兩二錢八分掌印知縣王家相去任管糧生簿凌起潛宜陽縣見徵銀四千三百五十二兩五錢九分四釐已完銀三千三百六十七兩五錢九分四釐未完銀九百八十五兩掌印知縣王廷議管糧主簿鄭文楚渑池縣見徵銀二千八百六十一兩一錢八分四釐已完銀二千一百三十九兩四錢四分六釐未完銀七百二十

一兩七錢三分八厘掌印知縣丁仕俊管糧主簿鄭銳升葉縣見徵銀七千八百七十二兩七錢八分五厘三毫二絲已完銀五千六百一十一兩一錢三分九厘九毫五絲未完銀二千二百六十一兩六錢四分五厘三毫七絲掌印知縣陽開泰管站主簿呂有聲光山縣見徵銀二千八百六十五兩七分已完銀二千一百六十九兩六錢八分八厘未完銀六百九十五兩三錢八分二釐掌印知縣田時震管糧主簿黃應

會以上五縣已完七分未完三分原武縣見徵銀二千五百二十六兩九錢八分五釐已完銀一千六百二十一兩二錢三分八釐未完銀九百五兩七錢四分七釐掌印知縣李宗望項城縣見徵銀二千一百七十兩六錢五分四釐已完銀一千四百九十五兩三錢二分未完銀六百七十五兩三錢三分四釐掌印管糧知縣孫繼陞沈丘縣見徵銀八百一十六兩五分一釐已完銀五百一十八兩五分一釐未完銀二百

九十八兩掌印管糧知縣丘禾栗被論唐縣見
徵并帶徵共銀二千四百九十三兩八錢五分
一釐七毫已完銀一千五百九十七兩二錢五
分二釐五毫四絲未完銀八百九十六兩五錢
九分九釐一毫六絲掌印知縣徐成治管站主
簿汪邦解南召縣見徵并帶徵共銀一千五百
一十六兩九錢一分九毫已完銀九百一十九
兩二分四釐未完銀五百九十七兩八錢八分
六釐九毫掌印管站知縣吳一愷以上五縣已

完六分未完四分桐栢縣見徵并帶徵共銀一
千五百六十一兩四錢二分二釐四毫八絲已
完銀六百三十九兩六錢三分二釐二毫三絲
未完銀九百二十一兩七錢九分二毫五絲掌
印管站知縣盧調元鄧州見徵并帶徵共銀四
千六十九兩三錢三分九釐五毫七絲已完銀
一千六百八十八兩一錢六分未完銀二千三
百八十一兩一錢七分九釐五毫七絲掌印知
州韓焯管站同知董逢時舞陽縣見徵銀六千

一百六十三兩九錢一分一釐六毫已完銀二
千九百七十三兩八錢未完銀三千一百九十
兩一錢一分一釐六毫掌印知縣石顯玉去任
管站主簿王之鵬以上三州縣已完四分未完
六分裕州見徵銀三千九百六十六兩四錢五
分四釐三毫已完銀一千五百一十八兩一錢
四分四釐三毫未完銀二千四百四十八兩三
錢一分掌印知州沈雲從管站判官廖國文光
州見徵銀二千六百四十兩二錢七分七釐已

完銀九百二十八兩八錢七分二釐未完銀一
千七百一十一兩四錢五釐本府同知署州事
鄧元忠管糧判官沈應泰以上二州已完三分
未完七分內鄉縣見徵并帶徵共銀五千一百
六十五兩九錢二釐五毫九絲已完銀一千四
百三十五兩四錢八分七釐七毫六絲未完銀
三千七百三十兩四錢一分四釐八毫三絲本
府管糧通判李芄病故管站主簿張克信去任
以上一縣已完二分未完八分爲照各官職司

民牧錢糧催徵乃其正務顧敢怠玩從事以致完納不前既經查明均當叅治其汲縣掌印知縣王家相去任沈丘縣知縣丘禾粟被論舞陽縣知縣石顯玉被論內鄉縣署印本府通判李芄病故管站主簿張克信去任以上各官似難苛責照例免叅無容別議外及查見任官員未完三分汲縣管糧主簿凌起潛宜陽縣掌印知縣王廷議管糧主簿鄭文楚浞池縣掌印知縣丁仕俊管糧主簿鄭銳升葉縣掌印知縣陽關泰

管站主簿呂有聲光山縣掌印知縣田時震管糧主簿黃應會例該住俸督催未完四分原武縣知縣李宗望項城縣掌印知縣孫繼陞唐縣掌印知縣徐成治管站主簿汪邦解南召縣掌印知縣吳一愷例該各降二級戴罪督催未完六分桐柏縣掌印知縣盧調元鄧州掌印知州韓焯管站同知董逢時舞陽縣管站主簿王之鵬未完七分裕州知州沈雲從管站判官廖國文光州署印本府同知鄧元忠管糧判官沈應

恭例該各降二級起送

吏部調用惟復別有定奪等因呈詳到院據此案照先准

兵部咨前事已經案行該道遵依年終查造去後今據造報前來會同巡按河南監察御史楊議照驛遞疲累至近日亦云極矣况中州當四達之衝冠蓋輻輳即使站銀給發依時猶虞不敷于供億乃有徵解愆期甚至未完七分者竢竢小民何以支持此皆各官藐視

功令怠緩催科所致也若不照例處分無以儆其餘將來既經該道查造前來覆查相同擬合咨報為此合咨

貴部照為查照施行

咨

部

天啓六年十二月

十三

日

咨報太倉難徵本色

爲奴氛方熾軍實未充謹陳料理本色之急着
以爲足食之謀以張槌伐之武事據河南布政
使司呈蒙本院案驗准

戶部咨前事備仰本司官吏照依咨案備奉
欽依內事理即便移文各道轉行各府速將本中情
節及未盡事理備細商確務求

國計民情兩得妥當呈詳兩院以憑覆議咨部施
行蒙此又蒙本院憲牌仰司官吏照依原行卽

行臨河各府備查所屬近河二百里內州縣幾處各該太倉京邊銀若干應派某糧若干通省共合若干作何收納可免民間耗費作何搬運不悞軍前急需某府所屬總貯某處河口以待運船自州縣以達河口自河口以達彼中一切應議未盡事理務議妥確或別有何法使小人不擾惟期簡易宜行不使衙役里長人等乘機滋擾始爲得法通限十日內彙呈兩院立等咨部事干

國計民生最屬喫緊毋得稽遲蒙此又據本司經歷司呈抄蒙巡按河南監察御史鮑案驗准撫院會稿前事俱經移文各道及牌行各府查議去後除南陽汝寧二府并汝州臨河寫遠不開外行據開封等府各申稱徵納本色民苦運載并兼河路險阻緣繇到司俱經駁查去後又蒙本院批據分守河南道周右布政使呈該本道看得太倉京邊錢糧議改本色主計者焦心疆場未靖軍興時有以糧代銀民既不苦于販

易以糧給軍軍又立資其飽騰其中杜鼠猫之
百孔絕侵漁之千竇豈非經國訐謨足食長策
鑿鑿可行哉第河洛居天地之中詎運道千里
而遙不難于徵本色而實難于辦起運至于登
未嵩廬四縣設居山僻溝嶺險峻車不得方軌
馱不得並驅中有離黃河相近者維偃輦孟宜
新渾陝靈閩十州縣然距河稍近去漕甚遠尚
有三門七津之險非一航可以飛渡而黃河當
夏秋之運不時水發洶湧澎湃舟如瓢葉其情

其勢委難載運者若曰起早至河口長途曲迂
腳價盤費返重於正項幾倍矣軍未沾涓滴之
需民先剥膚之害本道再三躊躇而未敢信以
爲可行也卽從一時之便而謹謹奉本色之議
豈不甚善第恐行之中途而難行之末路又難
各上臺寧不咎奉行者當日何不明言利害至
勢窮形格而始言難行哉此本道再四躊躇而
候上臺之酌議也合無姑將河南府所屬京邊
錢糧仍舊折色庶徵解易完而百姓亦不致疲

於道路矣等因具呈照詳蒙批仰布政司覆議
速報蒙此查議間又據本司經歷司呈抄蒙巡
按河南監察鮑御史批據分守河南道呈同前
事蒙此行間又據開封府申該本府張知府看
得三軍以食爲命議以太倉折色銀兩易輸本
色誠權宜便計法至善也第開屬三十四處除
不近河者不開外惟祥符等十七州縣應納本
色各州縣正官往復擬議令曰太倉折銀搬運
奇稅小民反滋煩費又恐風雨絕爛賠苦難堪

且也黃河險阻湍激洶湧遷徙靡常勢難載運
蓄儲倉囤種種艱難陳乞仍舊解納折銀庶得
兩便等情似應俯從等因又據歸德府申該本
府薛知府看得太倉京邊銀兩徵收本色實廼
足食足兵上策部議至此自宜仰體苦心但府
屬州縣偏居黃河之南遠近不一如永鹿寧睢
夏柘六州縣皆二百里以外明有原行無容再
議止有商丘虞城考城三縣雖濱河百里之內
而運船所經因避河患俱緣宿遷入口今自宿

遷至歸德逆水尚差七百餘里安能遠送到彼
上船且累年小灘臨德本色里民俱變輕價赴
彼貴糴夫亦謂車脚之費倍于本色耳若京邊
本色米多則費更十倍民何從出旣不能解小
灘臨德之輕運自不能挽京邊之重運旣非運
船所到之河自難埒于近河州縣之解至于建
厥無地河險難行運官告苦思去又其後議也
當此公私匱乏之時本府雖忝外臣豈無急公
之議奈地勢阻修事權掣肘卽欲力番成局而

有萬萬不可者計亦當事所共原也各屬集議
相符相應准從等因又據彰德府申該本府看
得太倉京邊錢糧徵解折色行之已久今以奴
氛未靖改解本色誠足食足兵之至計本府奉
文卽行各州縣查議今據各議報謂本年錢糧
俱于春初派定赤歷未奉文之前徵解已多今
改赤歷又將已完解者復還于民以徵本色實
爲未便况于運貯臨河逐處交兌勢必雇車陸
運又雇船水運中間舟車之費人工之費賃房

之費遇淺盤剝之費亦已不貲卽如目前碾米一事運至天津每百石費至一十五兩猶存見少以此推之運米之價及過于米勢不得不又派地畝小民之苦有不可勝言者旣經各州縣議申前來似宜仍舊解納折色等情又據衛輝府申稱所屬六縣疲敝已極民不聊生太倉糧銀乞照各府仍解折色等情又據懷慶府申該本府看得遼左集兵甚衆當徵本色用濟軍餉但府屬地方雖有黃沁二河在沁河繇武陟之

東不數里卽入黃河矣在黃河夏秋水勢洶湧在冬春冰凍水涸舟楫難施輓運誠爲不便所據各縣申稱照舊折銀官民兩便等情又據河南府申該本府看得邊陲多事需餉甚急每讀邸報見榆關匱乏津寧缺餉遼左之難未平不勝蒿目焦心深念軍興繁費征人勞苦所關國家安危豈渺小哉必士馬飽騰然後可捷伐若芻餉不繼庚癸橫呼脫巾不靖所係豈細故哉言念及此寸心欲嘔其於所屬額解太倉銀兩

恨不欲盡教徵收米麥菽豆刻期起解關寧
騰士馬以抒司農仰屋之嘆且

明旨凜凜敢不急公以仰體

部堂之爲

國專理新餉之苦心也亦百姓應輸之稅本府何
憚而不爲也該州縣亦何憚而不爲也但查府
屬陝維等十四州縣距漕渠謂非千里則七八
百里卽至近亦不下四五百里其本色不難于
徵而難于運如鞏縣之所議鑿鑿然皆是也

登封嵩縣永寧盧氏設立萬山之中溝嶺險峻
舟車不通無論離河寫遠難以轉運卽民間日
用皆係擔負輸納本色者萬萬不能行也如鞏
縣偃師孟津雒陽宜陽新安澠池陝州靈寶閩
鄉距黃雖近尚有三門七津之險阻繇渭入漕
尚有四五百里之遙必須起旱方運到河口計
米豆一石必用二驢駝載往返千里每石可費
腳價銀一兩并人工盤纏又費如許照數計筭
反重於本色倍倍矣是軍未沾顆粒之糧而民

先有利膺之害非他省遠漕二百之可比也
必責以勢之難恐不散而之四方必轉輾於溝
壑如

國家根本之計何哉且

煌煌

天語亦云

國儲民情兩求妥當是嘉意於軍旅未嘗忘情於
民隱也合無軫念地方衝疲災沴疊浸俯從各
州縣所議太倉糧銀仍舊解納折色等因各申

到司該本司看得太倉京邊錢糧議納本色誠
主計者餉軍恤民之至意也本司亦謂良法美
意未可遵行於中土者也除南陽汝寧二府及
汝州距河駕遠遵奉原文不議外行准分守河
南道容及據開封等六府申僉曰太倉折銀小
民樂輸久矣今議改納本色謂便於軍亦不苦
於民也乃河南省居天地之中多處黃河之岸
第黃流遷徙靡常在夏秋洄湧澎湃船如瓢葉
在冬春冰凍水涸舟楫難施計河南之地利不

難於徵本色而難於辦起運據議仍舊折銀實
宜民宜土之便計也若曰必欲徵納本色陸運
水運脚價盤費及重於正項不知幾倍矣是軍
未得顆粒之糧而民返受剝膚之害本司集道
府之議往覆行查再四躊躇俱未敢以爲本色
能行也倘不明言得失而權宜從事第恐行之
中途難行之末路又難

主計者寧不咎奉行者當日何不明言得失一
至勢窮形格而始言難哉合無姑照道府所議

將太倉錢糧仍舊解納折色庶徵解早完軍
斯得兩便矣等因具呈到院據此案照先准
戶部咨前事已經行令該司查議去後今據前
因會同巡按河南監察御史鮑議照遼左未
靖軍興旁午議將太倉京邊錢糧改納本色在
小民免糶易之煩在津寧獲轉輸之便士馬可
望飽騰猫鼠不至浸漁豈非經

國固圉之長策哉兩院仰體籌畫苦心屢從事業
檄司道速派矣奉據該司申據各道府呈咸稱

中州所屬州縣界在黃河南北距漕渠頗遠其
本色徵收則易起運則難或以河流洶湧溢涸
無常或以地勢阻修輓運非易儲囤無所腳價
增倍種種苦情備載各申中涓覺有不便者復
與該司面相商確該司以爲事欲經久必衆議
悉妥方可行之無得既有苦累情節若此時不
明言倘末路難行噬臍何及况奉

明言國計民情兩求妥當今欲軍餉雖便而於民情
覺拂似非

聖明俯恤元元至意也據此合咨

貴部煩爲 裁酌施行

一 咨

戶 部

天啓七年九月

初三 日

咨河北府屬徵本色

爲奴氛方熾軍食未充謹陳料理本色之急着
以爲足食之謀以張撻伐之武事據河南布政
使司呈蒙本院憲牌竊照徵納本色乃創舉之
事行之不便恐爲地方之累該司道府之議無
非愛民之極思也但關餉急如星火司農望眼
欲穿若只爲百姓之便不一斟酌調停豈臣子
憂

國之心乎本院思維臨河相近州縣印官肯悉心

料理寧至必不可行况部文有待運之說似不以脚價累地方者合速酌派爲此牌仰本司官吏照牌事理酌量歸河二百里內州縣各有太倉銀若干應派本色若干坐單已定轉行各府再加酌議具繇該司彙呈兩院以憑會咨事干軍需所關匪輕慎無似前稽遲倘各屬有延緩者卽指名報院定行叅處等因蒙此隨飛檄各府覆議去後今據開封歸德河南三府申稱與前相同已經呈報難以遵行外又據彰德府申

稱查得本府屬惟磁州逼近滏河通于彰衛歸漳則稍遠安陽則又遠湯陰則更遠矣然總不出二百里外此四處者自應遵行今據所議除已解不計外其未解銀兩徵完委官于近河買米賃貯候兌以本府計之小灘原是運船交兌之處今秋頗稔已奉檄令買糧官早買漕糧矣此項太倉銀兩除今又蒙催解漕折外其餘未解者合無仍令徵完亦卽付各買糧官買完于小灘交兌亦爲妥便磁州卽徵本色亦卽令聞

州判運赴小灘不~~與~~又往北直諸府以累鄰壤
矣但小灘倉廩有限如許米豆勢必又雇民房
運船不給運費豈肯容受倘實不能容又必雇
船遠運費又繁多糧官買米亦遠自他處以運
于小灘費亦不免至于價值一節年歲不常照
時價則恐虧米數照坐單則恐累小民合無米
額則准坐單米價則依時值總于原徵銀內有
餘則存貯不足則議補此亦目前權宜之計如
今歲奴~~年~~則此後仍折色派解倘不其然則于

明年春間赤歷卽派本色以便徵納另議
奴~~減~~卽止難以行之經久也其林縣武安涉縣
三處皆山路崎嶇距河寥遠自應照舊徵解折
色無容議矣抑更有說焉本府錢糧向皆當年
全完并無拖欠故考成無碍今改運本色則此
應解太倉者非比折色輕而易到叅罰一法似
應寬緩况今奉本司憲牌仍起銀批則批文到
司之日卽以全完列于紀錄庶有司不被本色
之累而急公者亦~~加~~鼓舞矣等情又據衛輝

府申稱本府屬各申稱應解天啓七年
歷徵天啓六年太倉京邊銀兩俱已徵完解府
轉解難以改徵等因到府該本府署印推官毋
槐慶查看得所屬六縣皆臨衛河太倉京邊錢
糧例應改徵本色第本年應徵折銀既已解完
委難再徵本色等情又據懷慶府申送造完所
屬應派本色數目文冊各申報到司該本司覆
看得河南省太倉糧銀議徵本色除臨河寥遠
遵奉原文不應議者南陽汝寧二府併汝州是

也前詳業已備陳今蒙前因本司飛檄守催覆
據開封歸德河南三府所申遍查府屬州縣並
無相近運糧津口間有相鄰者黃河耳然黃河
泛漲靡常舟楫難施從來糧船望津而不敢渡
者衆耳衆目所共見共聞又矣本色之徵其情
其勢萬萬難行者今榆關需餉甚急必不得已
而爲權宜之計爲本色議者止有彰德府屬磁
州并臨漳安陽湯陰四州縣及衛輝府所屬汲
新輝獲淇滑六縣懷慶府所屬河濟修武孟温

六縣相與... 遠其太倉糧銀似應... 本色其米麥豆... 糧運照歷來派簿議定石數銀... 數備造青冊以憑徵解既經該府覆議前來似... 宜允從合候轉達

詳示或撥某衛運船交兌或復別賜定奪等因... 具呈到院據此案照先准

貴部咨前事已經行據該司呈據各府申稱難... 行緣繇前來欲行駁議止因時日稽遲先行備... 繇移咨外一... 復檄該司坐派去後今據前因

會同巡按河南監察御史鮑... 覆議得榆關內... 外兵馬雲屯徵本色以充軍餉詎非籌國者之... 苦心哉兩院誼切同仇恨不欲盡輸中州之粟... 以佐榆關之匱惟是汝寧嵩陽汝州三處距河... 寫遠既苦于轉運之無術關封歸德河南三府... 所屬州縣亦有數處近黃河者但黃流洄湧從... 來糧船不敢渡且至宿遷交卸之地遠者千余... 里近者七八百里脚價反多于正項此亦勢之... 所必不能行者... 是河北彰衛懷三府所屬各

州縣去潭河稍遠猶可運至小灘既經該司
議冊報前來似宜准從擬合咨請為此合咨
貴部煩為查照具

題併議應撥某衛運船交兌庶糧官無守候之苦
關寧得輓輸之益仍賜咨示以便遵行

一 咨

戶 部

天啓七年十月初五日